

DANVEZ DA LENN
HA DA SELAOU
EVIT AR RE VIHAN

Ur gontadenn get
G.TH. ROTMAN



Ízíg

Priñsezig an dour

LODENN
1AÑ

Lennet get
Daniel Doujet
hag **Anaig Lucas**



Kinniget deoc'h get
TI DOUAR ALRE
EMGLEV BRO AN ORIENT

WWW.TIDOUARALRE.COM



izig

Priñsezig an dour

Levr savet ha skeudennet get **Gerrit Theodoor Rotman** (1893-1944)

Lakaet e brezhoneg get **Roparz Hemon**, **Youenn Drezen** e 1927
ha **Loeiz Herrieu** evit an embannadur gwenedek, e 1928.

Bet embannet get GWALARN, Levrioù ar vugale Brest

Kempennet evit an embann er skritur unvan get **Daniel Doujet**,
miz Ebrel 2020.

Liv ha pajennaouiñ get **Olier Berson**.



Gellit a rit selaou doc'h ar gontadenn-mañ lennet get
Daniel Doujet hag **Anaig Lucas** àr :
www.tidouaralre.com ha www.emglevbroanorient.bzh

Kinniget deoc'h get **Ti Douar Alre** hag **Emglev Bro An Oriant**.

Kentañ lodenn >



ur goubanner-noz, diwezhat-mat, pa oa an heol é tis-kenn hag ec'h alaouriñ ar gwez, e kerzhe ur c'hoadour a-hed ur vinotenn dre ar c'hoad. Achu e oa dezhañ e zevezh labour, hag e oa é vonet d'ar gêr. En un taol e klevas ur vouezhig tanav é oueliñ goustadik àr gostez an hent. Monet a raas da welet, ha... biskoazh kement-rall ! Eno, àr barrig izelañ ur wezenn, e oa azezet ur plac'hig vihan, vihan, bihanoc'h eget dorn un den.



r c'hoadour a welas doc'htu e oa krouadur ur gorriganes : divaskell he doa, hag ur steredennig aour 'oa àr he blev.


— O, o, pegen diskiant on bet ! eme-hi en ur zifronkal. N'hellan ket nijal c'hoazh ha neoazh, klasket em eus ! Ha Mamm nend eo ket er gêr ! Me ho ped, aotrou, kasit-me betek eil fourchell ar wezenn-mañ. Rak eno emañ hon ti.



r c'hoadour, avat, a grogas er plac'hig vihan hag he dalc'has tost d'e fri da sellet pizh doc'hti.


— Evel-se 'ta, krouadur ur gorriganes ous ? eme-eñ. Hama ! Deus genin. Argant a c'houlennin diget an dud a zay d'az kwelet, ha pinvik e vin hep dale !

Ha daousto d'ar plac'hig leñval, ar c'hoadour he lakaas en e fiched hag a yaas d'ar gêr.



ell 'ta petra am eus degaset amañ genin ! eme ar c'hoadour, laouen, d'e wreg. Eh omp é vonet da c'hounit kalz a argant, ha n'hor bo mui ezhomm da labourat.

Ha get un tamm kleiz e skrivas àr an nor : AMAÑ E C'HELLER GWELET KROUADUR UR GORRIGANEZ. E-leizh a dud a zaas bemdeiz da welet. Neoazh ne blije ket re da Lizig – hennezh a oa anv ar plac'hig – bout eno, hag an holl dud vras diva-lav-se é sellet doc'hti.




r goubanner-noz e lâras gwreg ar c'hoadour un dra bennak d'he fried e pleg e skouarn, hag hennen a raas « ya » get e benn. Neuze !... Bugale gaezh ! An den didruez-se a grogas en ur sizailh hag a droc'has divaskell brav Lizig. Hag e tennas oc'hpenn ar steredennig aour diàr he blev.





'an noz e veze roet dezhi da gousket ur pod-sukr kozh e-kiz gwele. Ne oa ket ur gwele blot-blot, a-dra-sur, neoazh fiziañs he doa d'en em akoursaat doc'htañ get an amzer.

A-nebeudigoù e kreskas Lizig. Ha neuze he devoe pep sort labour d'ober 'barzh an ti.



emdez e ranke gwalc'hiñ ar fourchetoù, al loaioù, ha torchiñ lunetoù ar vaouez. D'ar Gwener e veze c'hoazh gwashoc'h. Neuze e ranke lakaat koar àr an daol ha mistraat ar c'hantulerioù kouevr bras d'o lakaat da luc'hiñ evel an aour. Pa ne veze ket graet mat al labour dezhi, e veze serret 'barzh ur voest karton. Trugarez-Doue e kavas ur vignonez.




ur Gwener enta, e oa kroget da razhiñ an daol pa nijas ur wenanenn 'barzh ar gambr dre ar fenestr digor.

— Demat ! eme ar wenanenn, plijadur am eus doc'h ta wellet. An Dimezell Flemm a raer ac'hanon, ha ma micher a zo gober koar.

— Ha me zo-me Lizig, merc'h ar gorriganeez, a respontas ar plac'hig.

— Deus un deiz da'm gwelet, eme ar wenanenn. E-touezh ar beler, e dan al liorzh emañ ma zi.

Hag hi kuit.



Bep gwezh ma c'helle kaout ur pennadig amzer dize-
var, eh ae Lizig e dan al liorzh, e-touezh ar beler hag eno
e chome da varvailhat get he mignonez ar wenanenn. An
Dimezell Flemm a roe dezhi da evet glizh mintin sukret get
mel, e kalon ur vleuenn. Ha me 'lâr, ur vignonez vat e oa
hag a c'helled fiziout enni. Hep dale e vo gwelet.